

Na osnovu člana 41. Zakona o preuzimanju dioničkih društava i Pravilnika o postupanju kod preuzimanja dioničkih društava odjeljak C, objavljuje se

MIŠLJENJE

o ponudi za preuzimanje Saniteks d.d. Velika Kladaša, od strane ponuđača Athabasca Investment d.o.o.

Uprava i Nadzorni odbor društva Saniteks d.d. Velika Kladaša upoznati su sa Ponudom za preuzimanje ciljnog društva Saniteks d.d. Velika Kladaša od strane ponuđača Athabasca Investment d.o.o., te smatramo da je ponuda u skladu sa Zakonom, što je potvrđeno i Rješenjem Komisije za vrijednosne papire Federacije BiH.

Saniteks d.d. Velika Kladaša, Tone Hrovata 2, 77 230 Velika Kladaša osnovan je 1962. godine. Osnovna djelatnost društva je Proizvodnja medicinskih sredstava, sanitetskih i higijanskih proizvoda.

Vlasnička struktura:

Naziv	Procenat učešća
Athabasca Investment d.o.o	29,4918
VELADŽIĆ NIJAZ	9,6579
ŠKALIĆ MIRSAĐ	5,0765
PRO CONSULTING d.o.o. Sarajevo	4,8970
HUSIĆ ALIJA	4,1863
DOLIĆ RIFAT	1,9465
EUROHAUS d.o.o. Sarajevo	1,6117
SALČINOVIĆ MUSTAFA	0,8394
MEGAMIX d.o.o. Sarajevo	0,6350
KARAJIĆ HASAN	0,6021

Mišljenje o vrsti i visini ponuđene naknade

Cijena dionice utvrđena je nakon provedenog postupka pred stručnim organima Komisije za vrijednosne papire, te članova odbora KVP-a u skladu sa zakonskim normama u visini 9,15 KM po dionici.

Nominalna vrijednost dionice na dan 31.12.2018. godine je iznosila 35,63 KM, u skladu sa Odlukom Skupštine o smanjenju osnovnog kapitala Društva smanjenjem nominalne vrijednosti dionica i pokriću gubitaka broj: 01-439/18 od 29.06.2018. godine i Rješenju Komisije za vrijednosne papire FBiH broj: 03/1-19-220/18 od 29.08.2018. godine.

Finansijski rezultat na dan 31.12.2018. godine je neto gubitak 822.409 KM.

Cijena ponuđena u Ponudi za preuzimanje određena je u skladu sa nalogima i odlukom Komisije za vrijednosne papire u FBiH, odnosno u smislu i u skladu sa odredbama člana 16. Zakona o preuzimanju dioničkih društava i kao takva je jedina zakonska i prihvatljiva shodno svojoj pravnoj podlozi.

Mišljenje o namjeri ponuđača u pogledu budućeg poslovanja ciljnog društva i strateškim planovima ponuđača:

Svrha Ponude za preuzimanje je nalog Komisije za vrijednosne papire utvrđen Rješenjem KVP-a broj 04/1-19-357/18 od 10.04.2019. godine, koji nalaže raspisivanje tendera za preuzimanje usljed prelaska praga u vlasništvu većem od 30%. Sticanje podrazumijeva savjesno upravljanje i unaprijeđenje rada društva i svih njegovih organa upravljanja.

S obzirom na navedeno uprava i nadzorni odbor društva su mišljenja da je Ponuda za preuzimanje pokazatelj opredjeljenja za daljnji razvoj i jačanje društva Saniteks d.d. Velika Kladuša.

Izjave članova uprave i nadzornog odbora o njihovoj namjeri da ponudu za preuzimanje prihvate ili odbiju:

Nadzorni odbor i Uprava Društva Saniteks d.d. Velika Kladuša smatraju da je Ponudu za preuzimanje u cjelosti zakonita i prihvatljiva.

Navodi o postojanju sporazuma sa ponuđačem:

Ne postoji bilo kakav sporazum sa ponuditeljem.

Konačan stav ciljnog društva u vezi sa objavljenom ponudom za preuzimanje je:

Prema našem uvjerenju i u skladu sa svim našim saznanjima i podacima kojima raspolažemo, izražavamo pozitivan stav u vezi sa objavljenom ponudom za preuzimanje ciljnog društva, te obavještavamo dioničare da ovo mišljenje ne prikriva podatke od materijalnog značaja i ne sadrži podatke ni informacije koje bi u pogledu objavljene ponude za preuzimanje dioničare mogle da dovedu u zabludu.

Izdvojeni stav uprave i nadzornog odbora

Na vanrednoj sjednici Nadzornog odbora d.d Saniteks Velika Kladuša održanoj dana 23.04.2019. godine izneseno je izdvojeno zajedničko mišljenje članova Nadzornog odbora Rifata Dolića i Nijaza Veladžića kako slijedi:

- ***Mišljenje o načinu utvrđivanja i visini ponuđene cijene dionice (član 9. Stav1. tačka a,b,c i d. Pravilnika.***

„Podaci o nominalnoj i maksimalnoj cijeni po kojoj se trgovalo dionicama Saniteksa u posljednjih godinu dana, prije nastanka zakonske obaveze objavljivanja ponude za njegovo preuzimanje, a na osnovu kojih je izračunata minimalna cijena dionice, nisu tačni i vjerodostojni.

Zakonska obaveza objavljivanja ponude za preuzimanje Društva Saniteks d.d za ponuđača nastala je 15.10.2015. godine, tj. sedam dana po objavljivanju Zakona o preuzimanju dioničkih društava u „Službenim novinama“ Federacije BiH, broj 77/15, od 07.10.2015 godine, te podatke o minimalnoj i maksimalnoj cijeni dionice i cijenu dionice treba odrediti u skladu sa ovim zakonskim odredbama.

Podaci o knjigovodstvenoj vrijednosti dionice i rezultatu Društva na dan posljednjeg finansijskog izvještaja, po našem mišljenju, nisu realni i ne održavaju stvarno i knjigovodstveno stanje u Društvu.